




શ્રી રામ ચરિત મંથન



ৰোবাইয়াৎ-ই-ওমর থৈয়ায

শ্ৰীকান্তিচন্দ্র ঘোষ

প্রকাশক

শ্রী শচীন্দ্র লাল মিত্র

কমলা বুক ডিপো লিমিটেড

• ১৫, কলেজ স্কয়ার কলিকাতা

মূল্য সাড়ে তিন টাকা

মুদ্রাকর

শ্রী রবীন্দ্র নাথ মিত্র

ত্রীপতি প্রেস

৩৮, নন্দকুমার চৌধুরী লেন, কলিকাতা

প্রকাশকের নিবেদন

গত নয় বৎসরের মধ্যে ত্রীযুক্ত কান্তিচন্দ্র ঘোষের ‘রোবাইয়াৎ-ই-ওমর খৈয়াম’ নামক ক্ষুদ্র পুস্তকখানির এতগুলি সংস্করণ নিঃশেষিত হইয়াছে, যাহাতে মনে হয় বঙ্গদেশের শিক্ষিত সম্প্রদায়ের মধ্যে এখন এমন কেহ নাই যিনি এই কবিতাগুলির সহিত পরিচিত নহেন।

এতদিন পরে ইহার চিত্রিত সংস্করণ প্রকাশিত হইল। ইহার জন্ম পাঠক সাধারণের নিকট কোনও কৈফিয়ৎ দিবার প্রয়োজন আছে বলিয়া মনে হয় না, কেননা ইহা তাঁহাদেরই একান্ত আগ্রহ এবং সনির্বন্ধ অনুরোধের ফল। তাঁহাদের নিকট এই চিত্রিত সংস্করণ আদৃত হইলে আমাদের যত্ন শ্রম এবং অর্থব্যয় সার্থক মনে করিব।

এই সংস্করণে যে সকল চিত্র প্রকাশিত হইল, তাহার অধিকাংশ উদীয়মান শিল্পী ত্রীযুক্ত মনীষী দের অঙ্কিত। এ কার্যে তাঁহার উৎসাহ এবং প্রেরণা বিশেষভাবে উল্লেখযোগ্য। বাকিগুলি ত্রীযুক্ত সিদ্ধেশ্বর মিত্র, ত্রীযুক্ত চঞ্চলকুমার বন্দোপাধ্যায় ও ত্রীযুক্ত বসন্তকুমার গঙ্গোপাধ্যায়ের অঙ্কিত। ইহারা সকলেই প্রত্যক্ষ বা পরোক্ষ ভাবে শিল্পীগুরু অবনীন্দ্রনাথের শিষ্য। শেযোক্ত দুইজন ফরাসী দেশে তাঁহাদের শিল্প-শিক্ষা সমাপ্ত করিয়াছেন। আশা করি এই চিত্রগুলি সাধারণের নিকট উপযুক্ত সমাদর লাভ করিবে।

‘বিচিত্রা’ সম্পাদক ত্রীযুক্ত উপেন্দ্রনাথ গঙ্গোপাধ্যায় এবং তাঁহার কলাভিজ্ঞা ভ্রাতুষ্পুত্রী শ্রীমতী ইন্দিরা এই গ্রন্থ পরিকল্পন বিষয়ে গ্রন্থকারকে তথা আমাদিগকে অনেক বিষয়ে সাহায্য করিয়া কৃতার্থ করিয়াছেন। ইতি,


১লা আষাঢ়, }
১৩৩৬। }

শ্রী শচীন্দ্র লাল মিত্র

ম্যানেজিং ডিরেক্টর, কমলা বুক ডিপো লিঃ

কুণ্ডিকা

- ইরাম— আরব্য ও পারস্যের মধ্যবর্তী অধুনা-
লুপ্ত নগরী—গোলাপের জন্ত বিখ্যাত ।
- জাম্শিয়েদ্—পৌরাণিক যুগের ইরানী বাদশাহ—
ঐশ্বর্য ও জাঁকজমকের জন্ত খ্যাত-
নামা ।
- দায়ুদ— পৌরাণিক বাদশাহ—তাঁহার সময়ে
পহ্লাভি ভাষার প্রচলন ছিল ।
- কৈকোবাদ, কৈথসুরু—পারসী বাদশাহ ।
- রুস্তম— সোরাব-রুস্তম কাহিনী সকলেই
জানেন ।
- হাতেমতাই—বদান্ততার জন্ত বিখ্যাত ।
- মামুদশাহ— ভারত-বিজয়ী মামুদ গজ্জনি ।
- বহ্রাম— বহু গর্দভ শিকারের জন্ত বিখ্যাত ।



—দীর্ঘ-হিয়া কোন্ সে রাজার রক্তে নাওয়া এই গোলাপ—
 কার দেওয়া সে লালচে আভা, হৃদয়-ছাঁচা শোণিত ছাপ।
 ফুল-বাগিচায় ওই যে ফোটে রক্তের বাহার আশুমানির—
 কোন রূপদী গীমস্তিনীর অঁখির দিটি করুণ, বির।—

ভূমিকা

ফার্সি আমরা জানি নে, কিন্তু ও ভাষার বড় বড় কবিদের নাম আমাদের সকলেরই নিকট সুপরিচিত। হাফিজ ও সাদীর নাম ভদ্রসমাজে কে না জানে? ওমার খৈয়ামের নাম কিন্তু দু'দিন আগে এদেশে কেউ শোনে নি, এমন কি ফার্সিবিশেরাও নয়। যদিচ এ যুগের সমজদারদের মতে তিনিই হচ্ছেন ইরান-দেশের সব চাইতে বড় কবি।

আজকের দিনে ওমার যে আমাদের একজন অতিপ্রিয় কবি হয়ে উঠেছেন, সে ইউরোপের প্রসাদে। ওমার প্রায় হাজার বছর আগে পারস্য দেশের নৈশাপুর গ্রামে জন্মগ্রহণ করেন। তারপর তাঁর কবিত্বের খ্যাতি কালক্রমে বৃদ্ধি পাওয়া দূরে থাক—সাহিত্যসমাজে তাঁর নাম পর্যন্ত লুপ্ত হয়ে এসেছিল। কিছুদিন পূর্বে জর্নৈক ইংরাজ কবি ওমারকে আবিষ্কার করেন, এবং সেই সঙ্গে তাঁর কবিতা ইংরাজিতে অনুবাদ করে ইউরোপের চোখের সম্মুখে ধরে দেন।

আকাশ-রাজ্যে একটি নূতন জ্যোতিষ্ক আবিষ্কৃত হলে বৈজ্ঞানিক সমাজ যেমন চঞ্চল ও উৎফুল্ল হয়ে ওঠেন, মনোরাজ্যে এই নব নক্ষত্রের আবিষ্কারে ইউরোপের কবি-সমাজ তেমন চঞ্চল ও উৎফুল্ল হয়ে উঠলেন। ফলে এখানে ইউরোপের এমন ভাষা নেই যাতে ওমারের একাধিক অনুবাদ নেই, ইউরোপের এমন সহর নেই যেখানে এই নবকব্যরসের ঐকান্তিক চর্চার জন্য একাধিক কাব্যগোষ্ঠী গঠিত হয়নি। এই নব নক্ষত্রের একটি নব উপাসক-সম্প্রদায়ও সে দেশে গড়ে উঠেছিল, শুনতে পাই গত যুদ্ধে সে সম্প্রদায় মারা গেছে। সে যাই হোক সেকালের এসিয়ার

কবিতা একালের ইউরোপের হাতে রূপান্তরিত হয়ে আমাদের কাছে এসে উপস্থিত হয়েছে, এবং আমরাও তার অপূর্ব রস দেখে চমৎকৃত ও মুগ্ধ হয়ে গিয়েছি।

২

এ কবিতার জন্ম হৃদয়ে নয়, মস্তিষ্কে। ওমার খৈয়াম ছিলেন একজন মহা পণ্ডিত। তিনি সারা-জীবন চর্চা করেছিলেন শুধু বিজ্ঞানের, কাব্যের নয়। অঙ্কশাস্ত্রে ও জ্যোতিষে তিনি সেকালের সর্বাগ্রগণ্য পণ্ডিত ছিলেন। তিনি এই জ্ঞান-চর্চার অবসরে গুটিকয়েক চতুষ্পদী রচনা করেন, এবং সেই চতুষ্পদী কাটাই তাঁর সমগ্র কাব্যগ্রন্থ। এত কম লিখে এত বড় কবি সম্ভবত এক ভর্তুহরি ছাড়া আর কেউ কখন হন নি। ভর্তুহরির সঙ্গে ওমারের আরও এক বিষয়ে সম্পূর্ণ মিল আছে। উভয়েই জ্ঞানমার্গের কবি, ভক্তিমার্গের নন।

ওমারের সকল কবিতার ভিতর দিয়ে বা ফুটে উঠেছে, সে হচ্ছে মানুষের মনের চিরন্তন এবং সব চাইতে বড় প্রশ্ন :—

“কোথায় হিলাম, কেনই আসা, এই কথাটা জানতে চাই
যাত্রা পুনঃ কোন্ লোকেতে?— * * *”

* * * * *

এ প্রশ্নের জবাবে ওমার খৈয়াম বলেন :—

“সব ক্ষণিকের, আসল ফাঁকি, লভ্য মিথ্যা কিছুই নাই।”

ওমার যে সেকালের মুসলমান সমাজে উপেক্ষিত হয়েছিলেন, এবং একালের ইউরোপীয়

সমাজে আদৃত হয়েছেন, তার কারণ তাঁর এই জবাব।
 ধারা মুসলমান ধর্মে বিশ্বাস করেন, তাঁদের কাছে এ
 মত শুধু অগ্রাহ্য নয়—একেবারে অসহ্য; কেননা
 এ কথা ধর্ম মাজেরই মূলে কুঠারাম্বাঘাত করে। অপর
 পক্ষে এ বাণী মেনে নেবার জন্ত এ যুগের ইউরোপের
 মন সম্পূর্ণ প্রস্তুত ছিল। ইউরোপের মন একান্ত
 বিজ্ঞান-চর্চার ফলে, খ্রীষ্টধর্মের উপর তার প্রাচীন
 বিশ্বাস হারিয়ে বসেছিল, কিন্তু তার পরিবর্তে কোনও
 নূতন বিশ্বাস খুঁজে পায় নি। স্বতরাং ওমারের
 কবিতায় বর্তমান ইউরোপ তার নিজের মনের ছবিই
 দেখতে পেয়েছিল। এই হচ্ছে প্রথম কারণ, যার
 দরুণ ওমারের বাণী ইউরোপের মনকে এতটা চঞ্চল
 করে তুলেছিল।

৩

এস্থলে কেউ বলতে পারেন যে “Vanity of
 vanities—all is vanity” এসিয়ার এই প্রাচীন
 বাণী ত দু’হাজার বৎসর পূর্বে ইউরোপের কানে
 পৌঁচেছিল। বাইবেলের একটা পুরো অধ্যায়ে
 (Ecclesiastes) ত ঐ কথাটারই বিস্তার করা
 হয়েছে, প্রচার করা হয়েছে; অতএব ওমারের বাণীর
 ভিতর কি এমন নূতনত্ব আছে যাতে করে সে বাণী
 ইউরোপের মনকে অনেকটা পেয়ে বসেছে?

নূতনত্ব এই যে—ওমারের মতে, যে প্রশ্ন মানুষের
 চিরদিন করে আসছে, বিশ্ব কোন দিনই তার উত্তর
 দেয় না, কেননা দিতে পারে না। তাঁর চোখে এই
 সত্য খরা পড়েছিল যে, এ বিশ্বের অন্তরে হৃদয় নেই,
 মন নেই, এ জগৎ অন্ধ নিয়তির অধীন, স্বতরাং তার
 ভিতর-বাহির দুই সমান অর্থহীন, সমান মিছা। তিনি
 আবিষ্কার করেছেন যে—

“ভেঁকে আছে, ভিঙর বাহির, দেখছো যা সব মিথ্যা কাঁক,
 ক্ষণিৎ এ সব ছায়ায় খাজী, পুতুল-মাতের ব্যর্থ জাঁক।”

* * * *

“সত্তা ফলের আশায় মোরা মরছি যেটে রাত্রিদিন,
 মরণ পারের ডাবনা ভেবে আঁধার পাভা গলকহীন;
 মৃত্যু-আঁধার মিনার হ’তে মুরেজিনের কণ্ঠ পাই—
 মূৰ্খ ভোরা, কাম্য ভোনের হেথায় হোথায় কোথাও নাই।”

অপরপক্ষে আমাদের দেশের রাজকবি ভর্তুহরির
 মত জেরুজিলামের রাজকবিরও মুখে “Vanity of
 vanities—all is vanity”, এ বাক্যের অর্থ
 “জগৎ মিথ্যা, ব্রহ্ম সত্য”। অর্থাৎ সংস্কৃত ও ইহুদি
 কবি দুইজনেই এই বিশ্বের অন্তরে এমন একটি সার
 সত্য, এমন একটি নিত্য বস্তুর সন্ধান পেয়েছিলেন,
 যেখানে মানুষের মন দাঁড়াবার স্থান পায়, এবং যার
 সাক্ষাৎকার লাভ করলে মানুষ চির শান্তি চির আনন্দ
 লাভ করে। ওমার খৈয়ামের মতে, ও হচ্ছে মানুষের
 মন-ভোলানো কথা—আসল সত্য এই যে, জগৎও
 মিথ্যা, ব্রহ্মও মিথ্যা। পূর্বোক্ত রাজকবিরা মানুষের
 চোখের স্রুক্ষে একটা অসীম আশার মৃতি
 খাড়া করেছিলেন, ওমার খৈয়াম করেছেন অনন্ত
 নৈরাশ্বের। ওমারের বাণী আমাদের মনকে জাগিয়ে
 তোলে, কেননা এ যুগে আমরা কেউ জোর করে
 বলতে পারি নে যে, আমরা সৃষ্টির গোড়ার কথা আর
 শেষ কথা জানিই জানি।

এতক্ষণ ধরে ওমারের দর্শনের পরিচয় দিলুম এই
 কারণে যে, এই দর্শনের জমির উপরই তাঁর কবিতার
 ফুল ফুটে উঠেছে। যাদের মতে “জগৎ মিথ্যা ব্রহ্ম
 সত্য”, তাঁরা আমাদের উপদেশ দেন—

“মায়াময়মিদং অখিলং হিহা
 প্রবিশ্যন্ত উজ্জপদং বিদিত্বা।”

ওমারের মতে কিন্তু “মায়াময়মিদং অখিলং” হচ্ছে
 একমাত্র সত্য—অবশ্য সার সত্য নয়, অসার সত্য।
 তিনি তাই উপদেশ দিয়েছেন—

“এক লহমা সময় আছে সর্বনাশের মধ্যে তোর,
ভোগ-শায়রে ডুব দিয়ে কন্ একটা নিমেষ নেশায় ভোর।”

বলা বাহুল্য ওমারের মুখে এ কথা হচ্ছে জ্ঞান-বিজ্ঞানের বিরুদ্ধে বিদ্রোহের বাণী। এ জীবনের যখন কোন অর্থ নেই, তখন যা ইন্দ্রিয়গোচর আর যা অনিত্য তাকেই বুকে টেনে নিয়ে আসা যাক, তাকেই উপভোগ করা যাক। ওমারের পূর্বেও অনেকে মানুষকে এই উপদেশ দিয়েছেন কিন্তু তাঁদের কথার সঙ্গে ওমারের কথার অনেকটা প্রভেদ আছে। যারা বলতেন “eat, drink and be merry, for to-morrow we die”, তাঁরা বিশ্ব-সমস্তার দিকে একেবারেই পিঠ ফিরিয়েছিলেন। আর প্রাচীন গ্রীসের Epicurean-রা যা-কিছু ইন্দ্রিয়-গোচর তাকেই সম্ভ্রুতিতে গ্রাহ্য করে নিয়ে ইন্দ্রিয়-স্বখের চর্চাটা একটি সুকুমার বিছা করে তুলে নিয়েছিলেন। এস্থলে বলা আবশ্যক যে, তাঁরা ইন্দ্রিয় অর্থে বহিরিন্দ্রিয় ও মানসেন্দ্রিয় দুই বুঝতেন। তাঁরা ছিলেন শাস্তিতে, কিন্তু ওমারের হৃদয়-মন চির অশান্ত। ব্রহ্মজিজ্ঞাসা যে ব্যর্থ—এ সত্য ওমার সম্ভ্রুত মনে মনে নিতে পারেন নি, এর বিরুদ্ধে তাঁর সকল মন বিদ্রোহী হয়ে উঠেছিল। তাঁর কবিতার ভিতর দিয়ে বিশ্বের বিরুদ্ধে মানবাত্মার এই বিদ্রোহ, উপহাস ও বিদ্রূপের আকারে ফুটে বেরিয়েছে, কিন্তু তাঁর সকল হাসিঠাট্টার অন্তরে একটা প্রচ্ছন্ন কাতরতা আছে, এইখানেই তাঁর বিশেষত্ব। ওমার খৈয়ামের কবিতা যে আমাদের এতটা মুগ্ধ করে তার প্রধান


কারণ, তিনি দার্শনিক হলেও কবি, এবং চমৎকার কবি। দর্শন তাঁর হাতে জামিতির প্রতিজ্ঞার আকার ধারণ করেনি, ফুলের মত ফুটে উঠেছে। এবং সে ফুল যেমন হাল্কা, যেমন ফুরফুরে, তেমনি সুন্দর, তেমনি রঙীন। এর প্রতিটি হচ্ছে ইরানদেশের গোলাপ,—এ গোলাপের রঙের সম্বন্ধে ওমার জিজ্ঞাসা করেছেন—

“কার দেওয়া সে লাগচে আভা, হৃদয়-ছাঁচা শোণিত-রাপ”—

উত্তর অবশ্য—ওমার! তোমার। অথচ এই রক্তে-নাওয়া গোলাপগুলির মুখে একটি সহাস্ত *dou't care* ভাব আছে। আর তাদের বুকে আছে একাধারে অমৃত ও হলাহলের মিশ্রগন্ধ—এক কথায় মদিরগন্ধ। ওমারের কবিতার রস ফুলের আসব, সে রস পান করলে মানুষের মনে গোলাপী নেশা ধরে, সে অবস্থায় আমাদের মন থেকে ইহলোক পরলোক সকল লোকের ভাবনাচিন্তা অগ্নি হতে ঝরে পড়ে।

শ্রীযুক্ত কান্তিচন্দ্র ঘোষ এই মন-মাতানো কাজ ভোলানো কবিতাগুলি বাঙলা করে বাঙালী পাঠক সমাজের হাতে ধরে দিচ্ছেন; আশা করি সেগুলি সকলের আদরের ও আনন্দের সামগ্রী হবে, কেননা এ অল্পবাদের ভিতর যত্ন আছে, পরিশ্রম আছে, নৈপুণ্য আছে, প্রাণ আছে। ওমার খৈয়ামের এত স্বচ্ছন্দ ও স-লীল অল্পবাদ আমি বাঙলা ভাষার ইতিপূর্বে কখনো দেখিনি।

সুত-প্রবন্ধ-সম্ব-দেউলী —





ওঁ

কল্যাণীয়েষু—

বাংলা ছন্দে তুমি ওমর খৈয়ামের যে তর্জমা করেছ তা গ্রন্থ আকারে প্রকাশের পূর্বেই আমি দেখেছি। এ-রকম কবিতা এক ভাষা থেকে অন্য ভাষার ছাঁচে ঢেলে দেওয়া কঠিন। কারণ এর প্রধান জিনিষটা বস্তু নয়, গতি। ফিট্‌জ্‌জেরাল্ড্‌ও তাই ঠিকমত তর্জমা করেন নি—মূলের ভাবটা নিয়ে সেটাকে মূতন করে সৃষ্টি করেছেন। ভাল কবিতা মাত্রকেই তর্জমায় মূতন করে সৃষ্টি করা দরকার।

তোমার তর্জমা পড়ে আমার একটা কথা বিশেষ করে মনে উঠেছে। সে হচ্ছে এই যে বাংলা কাব্যভাষার শক্তি এখন এত বেড়ে উঠেছে যে, অন্য ভাষার কাব্যের লীলা অংশও এ-ভাষায় প্রকাশ করা সম্ভব। মূল কাব্যের এই রস-লীলা যে তুমি বাংলা ছন্দে এমন সহজে বহমান করতে পেরেচ এতে তোমার বিশেষ ক্ষমতা প্রকাশ পেয়েছে। কবিতা লাজুক বধুর মত এক ভাষার অন্তঃপুর থেকে অন্য ভাষার অন্তঃপুরে আসতে গেলে আড়ষ্ট হয়ে যায়। তোমার তর্জমায় তুমি তার লজ্জা ভেঙ্গেচ, তার ঘোমটার ভিতর থেকে হাসি দেখা যাচ্ছে। ইতি—২৯ শ্রাবণ, ১৩২৬।

শ্রী বরেন্দ্রচন্দ্র সেন





—কোন বিরহের তীব্র হরা পান করিলে কবি ?

পেয়ালা মাঝে জাগল কাহার দীপ্ত মুখের ছবি !

ছন্দেতে কার্ পায়ের নুপুর বাজল তালে তালে—

কণ্ঠী কার্ জড়িয়ে এল তোমার হরের জালে !—

কবি-প্রশংসা

কোন্ বিরহের তীব্র সুরা পান করিলে কবি ?
পেয়ালা মাঝে জাগ্ল কাহার দীপ্ত মুখের ছবি !
ছন্দেতে কার্ পায়ের নূপুর বাজ্ ল তালে তালে—
কণ্ঠটা কার্ জড়িয়ে এল তোমার সুরের জালে !

নিমেষটীরে ধন্য ক'রে গাইলে তুমি গাথা,
নিমেষ তরে তুলিয়ে দিলে বিশ্ব মনের ব্যথা ।
একটি নিমেষ—মরুর মাঝে একটি জলের ধারা,
একটি নিমেষ—অন্ধকারে উজল সন্ধ্যা তারা ।

চাইলে না তো বিশ্ব কোনো বিশ্ব সভার মাঝে—
কোন্ গরবীর কণ্ঠমালা শিরে তোমার রাজে !
নৈশপুরের কোন্ দেবী সে ষার রূপেরি ছটা
উজল্ ক'রে রাখলে আয়ুর দীর্ঘ বরষ ক'টা ।

গোলাপ বনের মাঝখানেতে ছোট্ট কুটীর থানি,
উদাস হাওয়ায় মিশ্ ত যেথায় শ্রোতস্বিনীর বাণী,
সেই খানেতে তোমার রচা হৃদয়-ছ্যাচা গান
তুল্লে কাহার কণ্ঠ বীণায় তীব্র করুণ তান !

রাজসভাতে ব'স্তে তুমি সবার শেষে আসি'—
বাদসাজাদীর মুখের 'পরে খেল্ ত নাকি হাসি !
চিকের পারে কাঁকনটা তার বাজ্ ত মধুর বোলে,
অলক্-খসা ফুলটা এসে পড়্ ত নাকি কোলে ?

*

*

*

—

কোনু সাহারায় রাত্রি শেষে গাঁথ্ছ তারার মালা ?
নিজের বোনা তাঁবুর মাঝে জাগে সে কোনু বালা ?
পেয়ালা হাতে কাটবে রাত্রি ? স্বপ্নমা-পরা আঁখি
পিয়াস-আকুল পথ্-চাওয়া তার সফল হবে নাকি !

আসবে না কো ঝড়ের সাথে সর্ব-নাশের দায়—
শেষ প্রহরের জেরটা টেনে ব্যগ্র-অরিং পায় ?
মিলন-ভূষা উঠ্বে জ'লে বিদ্যুতেরি সনে,
রক্ত বুকের উঠ্বে নেচে নিবিড় আলিঙ্গনে !

পাগল-করা চুষনে তার ওড়্না রবে মুখে !
কাঁচল খানি টুটবে নাকো তুষার-সাদা বুকে !
অন্তরেতে ঝড়ের খেলা, বাইরে পড়ে বাজ—
শিথিল তন্তু, নীবির বাঁধন—আকুল পেশোয়াজ !

ওমর কবি ! ওমর কবি ! সেই নিমেষের নেশা
নিশ্বাসেরি মতই আজও বিশ্ব প্রাণে মেশা !
আজিও সে নিমেষটুকু পাগল হাওয়ার মত
মিলন রাতের গোপন কপাট খুলিয়ে দেখায় কত !

চুষনাকুল ঠোঁটের কাঁপন, বিদায়-চোখে চাওয়া,
ছই বিরহের মধ্যে মিলন নিবিড় ঘন পাওয়া,
সজল ছুটি মেঘের মাঝে বিদ্যুতেরি হাসি—
নিমেষটা সেই বিশ্বে ফোটার সত্যে পরকাশি !

✽

✽

✽



—বুধাই খোঁজা ? বন্ধু, তোনার পেয়ালাটুকুর দাখে,
 তথা সাকীর কটাক্ষেতে বিরল মধুর সীম্বে—
 কিছুই কি নাই ? জীবন-হারা অশ্রু দিয়ে মেশা ?
 প্রণয়-মিলন—আর কিছু নয়—দুহর্ষকের নেশা ?—

স্বথের তুমি নও তো শুধু আপন-ভোলা কবি,
ভাগ্য দেবীর হাতের আঁকা শোনিত্-রাজা ছবি
হৃদয়-পটে ফেললে ছায়া সত্য আভাষ মত—
জ্ঞানের আলো ফুটলো না তো পুঁথির মধ্যে যত !

ব্যাকুল হৃদি বৃথাই ঘুরে শাস্তি কোথা মাগি,
চিরন্তনী প্রসন্ন রহে বিশ্বমনে জাগি ;—
চিতার পারে, গোরের মাঝে—চক্রপাণির ডাকে
জীবন সে কি দিচ্ছে সার্বা মৃত্যু ছয়ার ফাঁকে !

কোথায় আলো ? জ্ঞানের ভাতি অন্ধকারে ঘেরা,
ভাগ্যদেবীর রুদ্ধ ছয়ার—রিক্ত হাতে ফেরা ;
বৃথাই শুধু হস্ত জুড়ে আকাশ পানে চাওয়া—
আছেন তিনি ? থাকুন তিনি—বিফল তাঁরে পাওয়া


বৃথাই খোঁজা ? বন্ধু, তোমার পেয়ালাটুকুর মাঝে,
তরী সাকীর কটাক্ষেতে বিরল মধুর সাঁঝে—
কিছুই কি নাই ? জীবন-স্বরা অশ্রু দিয়ে মেশা ?
প্রণয় মিলন—আর কিছু নয়—মুহূর্ত্তকের নেশা ?

মরুমি মনের ছতাস বহে বিশ্বে চিরতরে—
শাস্তিবারি কোথায় সে কার পেয়ালা হ'তে ঝরে !
তীব্র ফেনিল কামের স্বরা—প্রেমের নাহি দিশা—
ভগ্নামিতে বিশ্ব মেটায় ক্ষুদ্র প্রাণের তৃষা !

হাজার বছর পরে সে এক বাংলা দেশের কবি,
নিজের মাঝে দেখছে তোমার দুঃখ স্থথের ছবি,
বেহেস্তে কি জাহান্নমে, শূন্নে, যেথায় থাকো—
অর্ধ্য রচা তাহার আজি ব্যর্থ হবে নাকো !

স্বাক্ষরিতঃ





—রাত-পোহালো—ওন্হু দখি, দৌপ উয়ার মাস্কলিক ?
লাজুক তায় তাই শুনে কি পালিয়ে গেছে দিখিদি ?

রোহাণ্ডা হৈলুগুচুগুচু

রাত পোহালো—শুন্ছ সখি,
দীপ্ত উষার যাকলিক ?
লাজুক তারা তাই শুনে কি
পালিয়ে গেছে দিগ্বিদিক !
পূব্ গগনের দেব-শিকারীর
স্বর্ণ-উজল কিরণ-তীর
প'ড়ল এসে রাজ-প্রাসাদের
মিনার যেথা উচ্চশির ॥ ১



সমস্যা-সমীক্ষা-



স্বপ্নে যেন কণ্ঠ শুনি—

রাত্রি জানি শেষ প্রহর—

পানুশালে মোর দৈববাণী—

কর্ণেতে কার বাজ্জল স্বর !

ব'লছে হেঁকে—ওঠ'রে বাছা,

ভরিয়ে নে তোর পোয়ালাটুক,

জীবন-স্বরা শুকিয়ে না যায়,

আপশোষে ফের ফাটবে বুক ! ॥ ২

রক্ত-দুয়ার পানুশালাটির

সামনে সে কি হট্টগোল,

ভোরের ডাকে ব'লছে কারা

—খোল'রে, ওরে দুয়ার খোল !


কতক্ষণ বা রইব হেথা,

ছুটছে আশু ব্যস্ত পায়,


বিদায় নিলে ফিরব না আর—

অন্তহীন যে সেই বিদায় । ॥ ৩







—নওরোজেতে সেই পুরাতন বার্থ যত মনের আশ,
 উঠছে কত ভাবুক হৃদে, দিচ্ছে মোড়া স্মৃতির পাশ।
 কোন্ দুখেতে যায় সে চ'লে কোন্ নিরালা বনের মাঝ,
 ঈশার ঘাসে গুল্মলতার নবীন যেথা পত্র-সাজ।—



নওরোজেতে সেই পুরাতন
ব্যর্থ যত মনের আশ
উঠছে কত ভাবুক হৃদে,
দিচ্ছে মোড়া স্মৃতির পাশ ।
কোন্ হুখেতে যায় সে চলে'
কোন্ নিরালা বনের মাঝ,
ঈশার খাসে গুল্লতার
নবীন যেথা পত্র-সাজ । ৪ ৷



ঈরাম্ নিয়ে পালিয়েছে তার
গর্জ বা' সব গুল্ল-বাহার,
জাম্শিয়েদের খাস-পেয়ালা—
কোঁথায় গো আজ চিহ্ন তার ।
দ্রাক্ষা বুকে তেমনি তবু
জ্বলছে আজও চুনীর হার,
খুঁজলে না কোন্ মিলবে আদ্রও
ফুল-বাগিচা নদীর ধার । ৫ ৷



সমস্যা-সমীক্ষা-



দায়ুদ সাথে ফুরিয়েছে আজ
সব পুরাতন ছন্দ-ফের,
বুলবুলেরি কণ্ঠে শুধু
বাজছে ভাষার সাবেক জের ।
সেই স্বরেতে চাইছে সে আজ
গোলাপ সখীর বর্ণ লাল—
রক্ত-রাঙা ড্রাক্সাসারে
রাঙিয়ে নিতে হলুদ গাল । ॥ ৬


আজ ফাগুনের আগুন-জ্বালে
ছতাস-বোনা শীতের বাস—
পুড়িয়ে সে সব ছাই ক'রে দাও—
দাও আছতি দুখের খাস !
আয়ু-বিহগু—খোঁজ রাখো কি—
মেলিয়ে ডানা উড়ল হায়,
পেয়ালাটুকু শেষ ক'রে নাও
—এক চুমুকেই—ফাগুন যায় ! ॥ ৭






—আজ ফাগুনের আগুণ-আলে হতাশ-বোনা শীতের বাস—
 পুড়িয়ে সে সব ছাই করে দাও—দাও আহুতি ছবের বাস!
 —আয়-বিহগ—খোঁজ রাখো কি—ঝেলিয়ে ডানা উড়ুল হায়,
 পেয়ালটুকু শেষ করে নাও—এক কুণ্ডল—ফাগুণ যায়!—


স্মরণীয়-



কতই না আজ ফুল ফুটেছে,
অযুত বরণ, উবার মাঝ,
লক্ষ ফুলের সমাধি'পর—
তাদের স্মৃতি তুচ্ছ আজ !
এই ফাগুনের ফুলের বাসে
দেখবে কোথা তলিয়ে যান
জামিশিদের অতীত স্মৃতি,
কৈকোবাদের জীবন গান । ৮ ॥



ভাগ্যলিপি মিথ্যা সে নয়—
ফুরোয় বা' তা ফুরিয়ে যাক ;
কৈকোবাদ আর কৈখসরুর
ইতিহাসেই নামটা থাক ।
রক্তম আর হাতের-ভায়ের
কল্পকথা—স্মৃতির ফাঁস—
সে সব খেয়াল ঘুটিয়ে দিয়ে
আজকে এসো আমার পাশ । ৯ ॥



ওমঃ-ই-ই-ই-




আমার সাথে আসবে বেথায়—
 দূর সে রেখে সহর গ্রাম
 এক ধারেতে মরু তাহার,
 আর এক দিকে শম্প শ্রাম ।
 বাদশা-নফর নাইকো সেথা—
 রাজ্যনীতির চিন্তাভার ;
 মামুদ শাহ ?—দূরে থেকেই
 ক'রব তাঁরে নমস্কার । ১০

সেই নিরালা পাতায়-ঘেরা
 বনের ধারে নীতল ছায়,
 খাচ্ছ কিছ, পেয়ালা হাতে
 ছন্দ গঁথে দিনটা যায় !
 মৌন ভাঙ্গি মোর পাশেতে
 গুঞ্জে তব মঞ্জু স্বর—
 সেই তো সখি স্বপ্ন আমার,
 সেই বনানী স্বর্গপুর ! ১১ ॥







—সেই নিরালা পাতায়-ঘেরা বনের ধারে শীতল ছায়,
 খাচ্ছ কিছু, পেয়ালা হাতে ছন্দ গোঁথে দিনটা যায়।
 মৌন ভাঙ্গি মোর পাশেতে গুঞ্জে তব মঞ্জু স্বর—
 সেই তো সখি স্বপ্ন আমার, সেই বনানী স্বর্গপুর।—




রাজ্যস্থলের আশায় বৃথা
কেউবা কাটায় বরষ মাস,
স্বর্গস্থলের কল্পনাতে
প'ড়ছে কারুর দীর্ঘশ্বাস ।.....
নগদ যা' পাও হাত পেতে নাও,
বাকীর খাতায় গৃহ্য থাক—
দূরের বাত লাভ কি শুনে ?—
মাঝখানে যে বেজায় ফাঁক । ১২



সন্ত-ফোটা এই যে গোলাপ,
গন্ধ-প্রীতি-উজল মুখ,
বল্ছে না কি—মিথ্যা এ সব,
এই ক্ষণিকের দুঃখ স্বথ !
পৃথী-বুকে উঠি ছুটে
গর্বে পরি' রঙীন সাজ—
পাপড়ি টুটে ছড়িয়ে মোদের
জীবন-রেণু পথের মাঝ ! ১৩ ॥




সমস্যা-



কুহক-রাণী আশার পিছে
 দিলটা ফিরে সর্বদাই,
 স্বপ্ন কার সত্য বা হয়,
 কার ভাগে বা উঠছে ছাই!
 সব ক্ষণিকের—আসল ফাঁকি—
 সত্য মিথ্যা কিছুই নয়—
 মরুর 'পরে তুষার মত
 চিক্মিকিয়ে পায় সে লয়। ১৪ ॥

জীবন-জমির 'পরে যারা
 যত্নে বোনে সোনার বীজ,
 হাওয়ায় বূনে ফুংকারেতে
 ক'রছে যারা সব খারিজ ;—
 খতম্ সে সব এইখানেতেই—
 বীজ না ফলে পুনরুৎসব,
 গোরের ভিতর যে জন, সে কি
 জীবন নিয়ে ফিরবে আর! ১৫ ॥






—সদ্য-ফোটা এই যে গোলাপ, গন্ধ-প্রাতি-উজল মুখ,
ব'লছে না কি —মিথ্যা এ সর, এই কৃশিকের ত্রুপ স্থপ!
পৃথ্বী-বুকে উঠছি ফুটে গর্বে পা'রি রঙীন সাজ—
পাপড়ি টুটে ছড়িয়ে মোদের জীবন-রেণু পাখের মাঝ।—



জীর্ণ ভাঙ্গা সরাই-খানার
 রাত্রি দিবা দুইটি দ্বার,
 তারির ভিতর আনাগোনা—
 ছনিয়াদারি চমৎকার !
 রাজার পরে আসছে রাজা.
 সজ্জা কতই বাস্তব ধূম—
 তুচ্ছ সে সব—কয়দিনই বা—
 তার পরে তো সব নিরুপম ! ॥ ১৬ ॥

জামুশিয়েদের হুঁরায় পিছল
 খাস-দেওয়ানের খিলান মাঝ
 বাস বেঁধেছে আজকে সেথায়
 টিক্‌টিকি আর সিংহরাজ !
 রাজার সেরা রাজ-শিকারী
 বহ্নাম্‌ কোথায় ঘুমিয়ে রয়—
 আজকে তো তার মাথার 'পরে
 চাঁট ঘেরে যায় বজ্র-হয় ! ॥ ১৭ ॥




সমষ্টি-সংগ্রহ




দীর্ঘ-হিয়া কোন্ সে রাজার
রক্তে নাওয়া এই গোলাপ—
কার দেওয়া সে লালচে আভা,
হৃদয়-ছ্যাঁচা শোণিত ছাপ !
ফুল-বাগিচায় ওই যে কোটে
রঙের বাহার আশ্‌মানির—
কোন্ রূপসী সীমন্তিনীর
আঁখির দিগ্ধি করুণ' স্থির ! ॥ ১৮

এই যে কোমল দুর্কী বাহার
বুকের ঘেরা আঁচলটুক
সত্ত শীতল শয়ন মোদের—
সব জিয়েছে নদীর মুখ—
আন্তে সখি পাশ ফিরে নাও—
কী জ্বনি এর ব্যথার ফেব্রু—
কোন্ রূপসীর পাংলা ঠোঁটের
জিয়ান-রসে জন্ম এর ! ॥ ১৯ ॥







—একটি কোণে ব'সব দৌহে, হুটগোলের ঢের তফাৎ
ভাগ্য—যাহার খেলুনা মোরা—ক'ব্ব তায়েই পাত্রদাং।—



‘অতীত যা’ তার দুখের স্মৃতি,
 ভবিষ্যতের ভাবনা ঘোর—
 দিল-পিয়ারা সাকী গো আজ
 পেয়ালা ভ’রে ঘুচাও মোর ।
 আসছে যে কাল—তার কথা থাক—
 মিশব গিয়ে হয়ত আজ
 তুচ্ছ স্মৃতির সৌরভেতে
 লক্ষ অতীত কালের মাঝ ! ॥ ২০ ॥



গর্বে যারা বহিত শিরে
 ভাগ্যদেবীর আশীষ-ভার,
 বক্ষে যাদের হুলিয়েছি
 সর্ব স্নেহ প্রীতির হার ;—
 আজ ছনিয়ার কোথায় তারা ?—
 পেয়ালাটুকু আর সবার
 একটু আগে শূন্য ক’রে
 ঘুমিয়ে ঘোচায় আন্তি-ভার ! ॥ ২১ ॥




সমস্যা



স্মৃতি যে আজ ক'রুছি মোরা
সেই পুরাতন ঘরের মাঝ,
বসন্ত এই দিচ্ছে বাহার —
নূতন ফুলের রঙিন সাজ ;—
ভাগ্যে সবার সেইতো লেখা—
মাটির নীচে মরণ-পুর,
মোদের পরে ক'রবে কারা
সেই পুরেতে আশ্রিত দূর ! ॥ ২২

মিশ্র ধুলোয়—তার আগেতে
গময়টুকুর সদ্-ব্যাভার
স্মৃতি ক'রে নাই করি কোন ?—
দিনকয়েকেই সব কাবার !
পঞ্চভূতে মিলিয়ে যাব
মৃত্যু-পারের কোন্ সে দেশ—
নাইকো সরাব, জ্বরব সেথা—
সেই অজানার নাইকো শেষ ! ॥ ২৩ ॥






—এই যে কোমল দুর্কা যাহার বুকের ঘেরা অঁচিল্লুক
 সত্য শীতল শয়ন মোদের সব্বিয়েছে নদীর মুখ—
 আশু দখি পাশ কিরে বাও—কী জাতি এর বাথার ফের—
 কোন রূপদীর পাংলা ঠোঁটের ছিয়ান হৃদে জন্ম এর!—



সত্য ফলের আশায় মোরা
 ম'রছি খেটে রাত্রি দিন,
 মরণ পারের ভাবনা ভেবে
 আখির পাতা পলকহীন।
 মৃত্যু-আধার মিনার হ'তে
 মুয়েজ্জিনের কণ্ঠ পাই—
 মূর্থ তোরা, কাম্য তোদের
 হেথায় হোঁথায় কোথাও নাই ! ২৪.



তর্ক ভুলে ক'রত যারা
 দ্যালোক ভুলোক নশ্বসাং—
 কোথায় তাদের কণ্ঠ আজি—
 এক পলকে কিস্তিমাং ?
 বিপান তাদের ফুৎকারেতে
 উড়িয়ে গবাই দিচ্ছে আজ,
 মুখটি ছাদের ধুলোয় ঠাসা—
 বন্ধ এখন জিভের কাজ ! ২৫ ॥





বচন-বাগীশ পণ্ডিতেরা
 বিজ্ঞভাবে নাড়ুন শির,
 স্মরণ রেখো বন্ধু আমার—
 জীবন কতু নহে স্থির ।
 এই কথাটাই সত্য ভবে,
 বাকী যা সব মিথ্যা, ভুল ;
 স্বজন-বোঁটায় আর ফোটে না
 ঝ'রলে পরে আয়ুর ফুল ! ॥ ২৬ ॥


কতই না সে মাড়িয়ে আসা
 পণ্ডিতদের টোলের দোর,
 বয়স তখন নেহাৎ কাঁচা—
 কাজটা শোনা তর্ক ঘোর ;
 বিচার-ঘটে বিশ্ব পোরা—
 মুণ্ডমাথা নাইকো যার—
 তর্ক-ধাঁধার ফিস্ফিস-দুয়ার—
 ঠিক যেথা তার প্রবেশ দ্বার ! ॥ ২৭ ॥






—অতীত যা' তার দুখের স্মৃতি, ভবিষ্যতের ভাবনা ঘোর—
 দিল-পিয়ারা মাকী গো আজ পেয়ালা ভ'রে ঘুচাও মোর,
 আসছে যে কাল—তার কথা থাক—মিশব গিয়ে হয়ত আজ
 তুচ্ছ স্মৃতির দোরভেতে লক্ষ অতীত কালের মাঝ!—

তাদের সাথে ক'রু রোপণ
বীজটা গোপন জ্ঞান-তরুর,
জলটা সেচন আপন হাতে—
ফ'ল ফসল হৃদ-মকর ;
যত্নে সে মোর চয়ন করা
জ্ঞান-ফসলের অর্থ-জের :—
শ্রোতের মতই ভাসতে আসা,
হাওয়ার মতই উধাও ফের । ॥ ২৮



কেনই বা মোর জন্ম নেওয়া
এই যে বিপুল বিশ্বমাঝ,
আসছি ভেসে কিসের শ্রোতে—
হেথায় বা মোর কিসের কাজ ?
কোথায় পুনঃ—কেই বা জানে—
ফিরতে হবে একটা দিন—
উধাও সে কোন্ গরুর 'পরে
হাওয়ার মতই লক্ষ্যহীন ! ॥ ২৯ ॥

ଓମ ନିଧାନ-




କୋଥାର ଛିଲାଇ, କେନି ଆସା—
 ଏହି କଥାଟା ଜାଣିତେ ଚାହିଁ,
 ଜନ୍ମକାଳେ ଇଚ୍ଛାଟା ମୋର
 କେଉଁ ଡୋ କେମନ ଅଧ୍ୟାୟ ନାହିଁ !
 ଯାହା ପୁନଃ କୋନ୍ ଲୋକେତେ ?
 ଶ୍ରମ୍ଭଟା ମୋର ଯାଥାୟ ଥାକ—
 ଭାଗ୍ୟଦେବୀର କ୍ରୁର ପରିହାସ
 ପେୟାଳା ଭ'ରେ ଭୋଲାଇ ଯାକ୍ ! ॥ ୩୦

ପୃଥ୍ବୀ ହ'ତେ ଦିଲାଇ ପାଞ୍ଜି,
 ନଭଃଗ୍ରହେ ମନଟା ଲୀନ—
 ସମ୍ପ୍ର-ସ୍ଥାୟି ସେଥାୟ ବାସି
 ସୁମିୟେ କାଟିନ ରାତ୍ରିଦିନ ।
 ବିଚାରଟା ମୋର ଉଠିଲ ଫେପେ,
 କାଟିଲୋ କତ ଧାନ୍ଧାର ଯୋର—
 ମୃତ୍ୟୁଟା ଆର ଭାଗ୍ୟ-ଲିଖନ—
 ଓହି ଥାନେ ଗୋଲ ରହିଲ ମୋର । ॥ ୩୧






—বচন-বাগীশ পণ্ডিতেরা বিজ্ঞভাবে নাড়ুন শির,
 স্মরণ রেখো বন্ধু আমার—জীবন কতু নহে স্থির।
 এই কথাটাই সত্য ভবে, বাকী যা সব মিথ্যা, ভুল:
 স্বজন-বোঁটার আর ফোটে না রক্তে পরে আয়ুর ফুল!—



কঙ্ক-ছয়ার জীবন-ঘরের
 কুঁকি-কাটার নাইকো খোঁজ
 দেখতে না পাই ভাগ্য-বধূর
 ঘোমটা-ঢাকা মুখ-সরোজ ;
 বারেক ছবার কণ্ঠে কাহার
 গুনছি শুধু নামটা মোর—
 কয় দিনই বা ?—সাজ তো হয়
 সর্ব-নামের নেশার ঘোর ! ॥ ৩২ ॥



তিমির-পথের যাত্রী যোরা—
 দীপ্ত আশার রশ্মি কই ?
 মর্ত্যে হ'য়ে লক্ষ্যহারা—
 স্বর্গ পানে তাকিয়ে রই ।
 কর্ণে পশে দৈববাণী—
 কোথাও সে নেই আলোক-পথ,
 অন্ধ-নিয়ত্ চালিয়ে বেড়ায়
 ভাগ্যদেবীর বিশ্বরথ ! ॥ ৩৩ ॥




অমঙ্গলম্-




তখন ফিরে মুখটা চুমি
মাটির গড়া পেয়ালাটির,
স্বধাই তারে—রহস্তটার
অর্থ সে কি খুব গভীর ?
অধর'পরে রাখ'তে অধর,
বাজল কানে অফুট স্বর—
যদি বাঁচো পান ক'রে নাও,
ফিরবে না আর মরণ পর ! ॥ ৩৪

এই যে আমার পেয়ালা-বঁধু
জীবন-সাদা দিচ্ছে আজ—
কোন অতীতের সাক্ষী এ জন
কোন সেকালের ক্ষুণ্ণবাজ !
আজ পরিচয় ভিন্ন রূপে—
মৃত্যু-শীতল মাটির চাপ—
স্বতির নিশান নাই, কি তবু
ওই অধরে চুমোর ছাপ ! ॥ ৩৫ ॥







—কেনই বা মোর জন্ম নেওয়া এই যে বিপুল বিশ্বমাক,
 আসছি ভেসে কিসের স্রোতে—হেথায় বা মোর কিসের কাজ?
 কোথায় পুনঃ—কেই বা জানে—ফিরতে হবে একটা দিন—
 উধাও সে কোন মরুর 'পরে হাওয়ার মতই লক্ষ্যহীন।—



সাঁঝের ঝোঁকে দেখেছি সেদিন
হাটের মাঝে কুস্তকার
নিষ্ঠুর হাতে ঠাসছে সে এক
পিণ্ড ভিজা মৃত্তিকার।
মাটির চৌটে ফুটল বাণী—
আওয়াজটা তার বেজায় ক্ষীণ—
আস্তে ভায়া আস্তে পেশো,
নেহাৎ এ জন ভাগ্যহীন। ॥ ৩৬ ॥



পেয়ালাটুকু ভরিয়ে নে গো,
এতই কিসের চিন্তা তোর ?
সময়টা সব কাটছে বুখা—
ভাবনা কি তাই দিনটা ভোর !
একটা 'কাল'তো মরণ-পারে,
আসছে যে 'কাল' কোথায় আজ ?
তাদের কথা ভাব'বি ব'সে
এই কণিকের স্মৃতি মাঝে ! ॥ ৩৭ ॥





সমস্যা-সমীক্ষা




এক লহমা সময় আছে
সর্বনাশের মধ্যে তোর—
ভোগ-সায়রে ডুব দিয়ে কর
একটা নিমেষ নেশায় তোর !
আয়ুর তারা প'ড়ছে থ'সে
মরণ-উষার চরণ'পর—
যাত্রা যে কাল ক'রতে হবে,
ফুরিয়ে নে সব ভরিৎ কর । ৩৮

কোন সে রসের আশায় বঁধু
ম'বুছ ঘুরে রাজিদিন—
ঘূর্ণী পথের নাইকো সীমা,
অনন্ত সে কোথায় লীন ।
সে সব ছেড়ে ক্ষুণ্ণি করো,
দ্রাক্ষারসে হও বিভোর,
ব্যস্ত তুমি যে রস আশে—
মিথ্যা, না হয় তিস্ত ঘোর ! ৩৯






—তখন ফিরে মুখটা চুমি মাটির গড়া পেয়ালাটির,
 সুধাই তারে—রহস্যটার অর্থ সে কি খুব গভীর?
 অধর'পরে রাখতে অধর, বাজল কানে অকুট স্বর—
 যদিও বাঁচো পান ক'রে নাও, ফিরবে না আর মরণ পর।—



জানিস্তো সব বন্ধু তোরা—
 কাণ্ডটাই বা কয়দিনের—
 বাস্তভিটায় কাটল যে মোর
 মৃতন বিয়ের ক্ষুধা-জের।
 বন্ধু! বধু যুক্তিদেবী—
 সেই রাতে তার নির্বাসন,—
 সেই বাসরে মৃতন বধু
 আঙুরলতার সম্ভাষণ! ॥ ৪০ ॥



অস্তি-নাস্তি শেষ ক'রেছি,
 দার্শনিকের গভীর জ্ঞান,
 বীজগণিতের সূত্র-রেখা
 ঘোবনে মোর ছিলই ধ্যান।
 বিজ্ঞারসে যতই ডুবি,
 মনটা জানে মনে স্থির—
 প্রাক্কারসের জ্ঞানটা ছাড়া
 রস-জ্ঞানে নই গভীর! ॥ ৪১ ॥



অমৃত-লীলা-



এই তো সেদিন সাঁঝের বেলা,
 পেয়ালা হাতে গোপন পায়,
 স্বর্গ-দূতী এল সে মোর
 মুক্ত-দুয়ার পানশালায় ;
 ব'ল্লে মোরে—পাত্র-স্থধায়
 চুমুক দে' নাও একটি বার—
 দেখ'হু চেখে—আর কিছু নয়,
 সেই পুরাতন জাঙ্কাসার ! ॥ ৪২ ॥

সেই পুরাতন জাঙ্কা—তাহার
 ছায়-বিধানের হউক জয়,
 অমোঘ যাহার স্মৃতিতে হয়
 সর্ব ধর্ম সমন্বয় ।
 আঙুর-চোয়া অলকিমিয়া—
 রসের সেরা রসান-ভূপ,
 জীবন-কাসার পাত্রখানা
 স্পর্শে ধরে সোনার রূপ ! ॥ ৪৩ ॥





—পেয়লাটুকু ভরিয়ে নে গো, এতই কিসের চিন্তা তোর?
 সময়টা সব কাটছে বুথা—ভাবনা কি তাই দিনটা তোর!
 একটা 'কাল'তো মরণ-দ্বারে, আসছে যে 'কাল' কোথায় আজ?
 তাদের কথা ভাব'বি ব'দে এই ক্ষণিকের স্মৃতি মাঝ।—

সেই পুরাতন আকাবধু—

মামুদ শাহের মতন যেই,
 দুঃখ-কাফের মৃতিগুলোয়
 বীরের দাপে তাড়ায় সেই ;
 ঐক্সকালিক অস্ত্রটা যার
 দীর্ঘ করে সকল ভাণ,
 আত্মারে যে করায় পুনঃ
 স্ব-স্বরূপে অধিষ্ঠান ! ॥ ৪৪ ॥




বিজ্ঞ যিনি বিজ্ঞ আছেন—

তর্ক নিয়ে থাকুন ঘোর,
 সৃষ্টি-বিচার, তত্ত্বকথা—
 ঘুচিয়ে এস সঙ্গে মোর ;
 একটি কোণে ব'সব দৌহে,
 হট্টগোলের ঢের তফাৎ,
 ভাগ্য—যাহার খেলনা মোরা—
 ক'রুব তারেই পাত্তসাৎ ! ॥ ৪৫ ॥



উক্কে, অধে, ভিতর, বাহির,
দেখ্ যা' সব মিথ্যা ফাঁক,
ক্ষণিক এ সব ছায়ার বাজী
পুতুল-নাচের ব্যর্থ জাঁক ;
পৃথ্বীটা তো মায়া'র খেলাল—
সূর্য্য বাতির ফায়স-খোল—
ছায়ার পুতুল আমরা সবাই
চৌদিকে তার ক'রছি গোল । ৪৬ ॥


রক্ত অধর এই যে চুমি,
পান করি লাল মন্দির টুক—
মিথ্যা এ সব শূন্য স্বপন—
আপশোষে তাই ফাটবে বুক ?
কাল্টা অসীম শূন্যে ঘোরে,
শূন্যে ঘেরা মায়া'র জাল—
শূন্যে খেলা শেষ ক'রে আজ
মিশ্'ব না হয় শূন্যে কাল । ৪৭ ॥





নদীর ধারে ফুটেবে যবে,
ফুটেবে গোলাপ রঙ-বাহার—
পান কর'লে কবির সাথে
রক্ত-রাঙা আক্ষাসার ।.....
কাল-সাকীটী পেয়ালা ভ'রে
আসবে যবে সর্বশেষ—
বরণ ক'রো হাত্ত মুখে,
বিনা বিধার চিহ্নলেশ । ॥ ৪৮ ॥

ছক্টি আঁকা স্বজন-ঘরের
রাত্ৰি দিবা ছুই রঙের,
নিয়ৎ দেবী খেলছে পাশা,
মামুষ ঘুঁটি সব ঢঙের ;
প'ড়ছে পাশা, ধ'রছে পুনঃ,
কাটছে ঘুঁটি, উঠছে ফের—
বাক্সবন্দী সব পুনরায়,
সাজ হ'লে খেলার জের । ॥ ৪৯ ॥



ওম-নিষ্ঠা-




নাইকো পাশার ইচ্ছা স্বাধীন—
যেই নিয়েছে খেলার ভার,
ভাইনে বাঁয়ে ফেলছে তারে,
যখন যেমন ইচ্ছা তার ।
মাছুষ নিয়ে ভাগ্য-খেলায়
করেন যিনি কিস্তিমাং—
সবটা জানেন তিনিই শুধু —
জয়-পরাজয় তাঁরই হাত । ॥ ৫০ ॥

ললাট'পরে নিয়ৎ দেবীর
ভাগ্যলিপির হস্তছাপ
উঠবে না সে—চেষ্টা বৃথা—
মিথ্যা এ সব মনস্তাপ ;
দীর্ঘ-নিশাস উঠুক না হয়
ক'লজে-ফাটা অশ্রুধার—
ভাগ্যদেবীর হস্তটি না
ধ'রবে লেখন পুনর্কার । ॥ ৫১ ॥







—জানিতো সব বন্ধু তোরা—কাণ্ডটাই বা কয়দিনের—
 বাস্তবিতায় কাটিল যে মোর নতুন বিয়ের স্মৃতি-ভের।
 বন্ধ্য। বধু যজ্ঞিদেবী—দেই রাতে তার নির্দায়ক—



মাথার 'পরে উপুড়-করা
পেয়ালা—যারে স্বর্গ কয়,
যার নীচেতে চুপ্‌টি ক'রে
চক্ষু বুজে দিনটা বয় ,
হৃৎ জুড়ে তার কাছেতে
চাইছ কিবা ভাগ্য-দীন ?
নিয়ন্ত-স্বতোয় বন্ধ ও যে,
তোমার মতই শক্তিহীন ।। ৫২ ।



যুক্তিকাতে তৈরী যেদিন
মর্তমানব পৃথীতল,
সেই মাটিতেই বীজটি বপন—
ভবিস্ত্রে যা ধ'রবে ফল ।
সেই স্বজনের প্রথম উষার
ভাগ্যলিপির অক্ষপাত
হুটবে পুনঃ শেষ বিচারের
প্রলয় উষার জন্মসার্থ !। ৫৩ ।



সমস্যা—




তোমায় নাহয় ব'লেই রাখি—
প্রথম যেদিন যাত্রা মোর—
চোখের জলে বিদায় নিয়ে
পেরিয়ে এছ স্বর্গ-দোর ;—
কোনু পাপেতে হেথায় আসা
ভাগ্য-দেবীর অমুজায়—
আসূতে পথে দেখু'ছ যে মোর
অস্থিতে কার চিহ্ন ভায় । ॥ ৫৪ ॥

প্রাকালতার শিকড় সেটি
তার না জানি কতই গুণ—
জড়িয়ে আছেন অস্থিতে মোর
দরবেশী-ভাই বাই বলুন—
গগন-ভেদী চীৎকারে তাঁর
খুলবে নাকো যুক্তি দ্বার,
অস্থিতে এই মিলবে সে খোঁজ
সেই ছায়ারের কৃষিকার । ॥ ৫৫ ॥






—এই তো সেদিন সাঁঝের বেলা, পেমালা হাতে গোপন পায়,
 স্বর্গ-দূতী এল সে মোর মুক্ত-দ্বয়ার পানশালায়।
 ব'ল্লে মোরে—পাত্র-স্থায় চুমুক দে' নাও একটি বার—
 দেখবু চেপে—আর কিছু নয়, সেই পুরাতন জ্বাকাদার!—



এই তো জানি বন্ধু আমার—
 সত্য জ্যোতির প্রকাশটুক
 —রাগেই কিম্বা প্রেমেই ফুটে—
 ভরায় যা' মোর আঁধার বুক,
 নিমেষ তরে পাই যদি তার
 আভাষটা মোর পানশালায়,
 "আঁধার-ঘেরা মন্দিরেতে
 কেনই যাব—কোন্ আলায় ! ৫৬ ॥



তুমিই প্রভু পথটীতে মোর
 গর্ভ-বোঝাই রাখলে পাপ,
 ক'রলে সেটা হারায় পিছল—
 তুমিই প্রভু ক'রবে মাপ ;
 আপন হাতেই খুলবে না কোন্
 ভাগ্য-হস্তের পাকটা ঘোর,
 পতমটা সেই পাপের ফলে—
 ব'লবে কিগো দেবতা মোর ? ৫৭ ॥



সমসাময়িক-




মানব সৃজন ক'রলে দিয়ে
 যুক্তিকাতে পাপের ছাপ,
 মহান তোমার বিশ্ব-বাগে
 খেলাও পঞ্চ-রিপুর সাপ ;
 পাপের কালো যুক্তি নিয়ে
 জীব জগতে ঘুরছে হায়—
 মানুষ তোমায় ক'রছে ক্ষমা—
 তুমিও, দেব, ক্ষমিও তায় ! ৫৮

শুন্ছ বঁধু—উপোস ভেঙে,
 রাত্রি যবে এক প্রহর,
 রমজানেরি পর্ব্বশেষে
 উঠল গিয়ে কুমোর-ঘর,
 চাদের দেখা নাই আকাশে,
 ঘরটাতে কেউ নাইকো আর—
 শুধুই কেবল তৈরী ভাঙ্গা
 স্মরাই যত যুক্তিকারণ ৫৯ ।







—নদীর ধারে ফুট বে যবে, ফুটে গোলাপ রঙ-বাহার,
 পান করসে কবির সাথে রক্ত-রাজ্য দ্রাক্ষাসার;
 কাল সাকীটী পেয়ালা ভরে আসবে যবে সর্বশেষ—
 বরণ কোরো হস্তদুখে বিনা দ্বিধার চিরলেশ।—



হবে—
সেই সাজানো মাটির তাল—
তার মাঝে কেউ চুপ্‌টা শোনে,
কেউবা বোনে কথার জাল ;
ব'ললে কে এক হঠাৎ রোষে,
ব্যস্তবাগীশ কণ্ঠ তার—
কেইবা এ সব কুস্ত মোরা,
কেইবা সেজন কুস্তকার ! ॥ ৬০



ব'ললে সে এক কুস্ত ধীরে—
নয় বুথা এ জীবন-শ্বাস,
ক'রলে যে জন বুদ্ধি খরচ—
স্বষ্টি আপন ক'রবে নাশ ?
এ সব কি আর অমনি যাবে—
ফিরতে হবে পুনর্বার,
সেই পুরাতন মাটির ঘরে,
সেই কবেকার জন্মগার ! ॥ ৬১ ॥







ବ'ଲ୍ଲେ ଆର ଏକ ପେଲା ତାରେ—
 ତସ୍ତ୍ର ଏଟା ଧୁବ ଗଭୀର,
 ବାଳକ—ସେଠି ପାନେର ପରେ
 ଖୋଜିଟା ରାଧେ ପାଉଁଟାର ;
 ଗ'ଡ୍ଲେ ସେ ଜନ ଆପନ ହାତେ
 କତହିଁ ସେହ-କଲ୍ଲନାୟ—
 ଆର କି ପାରେ ରାଗେର ଭରେ
 ନଟ କହୁ କ'ରତେ ତାୟ । ॥ ୬୧

ସେହି କଥାତେହି ଶାନ୍ତ ହ'ଲ
 ଉଠି'ଛିଲ ଯା ତର୍କଜାଲ ;
 ଯୋନି ଭେଡେ ବ'ଲ୍ଲେ ପରେ
 ବିଶ୍ଵୀ ସେ ଏକ କାନ୍ଦାର ତାଳ—
 ବଜ୍ର ବ'ଲେ ସହି ପରିହାସ,
 ଚିନ୍ତେ ନା ପାହି ଦିବ୍ୟଦିକ,
 ଗଢନ-କାଳେ କୁଣ୍ଡକାରେର
 ହତ୍ତାଟା କି ପ'ଡ଼ିତୋ ଠିକ ? ॥ ୬୨ ॥






—তুমিই প্রভু পথটিতে মোর গর্ত-বোকাই রাখলে পাপ,
ক'রলে সেটি স্বরায় পিছল—তুমিই প্রভু ক'রবে মাপ!
আপন হাতেই খুলবে না কোন্ ভাগ্য-স্বতোর পাকটা ঘোর,
পতনটা সেই পাপের ফলে—ব'লবে কিগো দেবতা মোর?—




ব'ল্লে আর এক—কেউ বা তারে
ব'ল্লে পাজী যাচনদার,
মুখখানা তার আঁকছে দিয়ে
নরক-ধোঁয়ার অঙ্ককার ;
যাচাই মোদের ক'রবে সে জন ?
কথার কথা ফঙ্কিকার—
লোকটা নেহাৎ মন্দ সে নয়,
মন্দ কি হয় তার বিচার ! ॥ ৬৪ ॥



কোণ্টি হ'তে সুরাই সে এক
ব'ল্লে ফেলে নিশাস-ভার—
মাটার দেহ শুকিয়ে গেছে—
অনেক দিন তো নেই ব্যাভার,
মোর পুরাতন জাফা-বঁধু—
পাই যদি আজ পরশ তার,
হ'চ্ছে মনে—জীর্ণ দেহে
বল্টি ফেরে পুনর্বার ! ॥ ৬৫ ॥







পাতাগুলো কথার মাঝে
 আকাশ'পরে দেখতে পায়
 চন্দ্র নবীন—যাহার লাগি'
 সবাই ছিল প্রতীক্ষায় ;
 কে কাহ্ন ঘাড়ে প'ড়ল তখন,
 ব'ললে দিয়ে টিপু'নি এক—
 খাচ্ছেতে আর মস্তে বোঝাই
 মুটিয়াগুলোর কাণ্ড তাত্খ ! ॥ ৬৬ ॥

চেতিয়ে'তুলে মরণ কালে
 শ্রাক্ষাহুধায় প্রাণটা গোর,
 মদির-স্নানটা করিয়ে দিও,
 ঘুচ্বে যবে মাস্তার ঘোর ;
 পরিয়ে দিও যত্নে স্নেহে
 আঙুর-পাতার বহির্বাস,—
 গোর দিও এক বাগান-খান্ধে,
 সজীব যেথায় ফুলের চাব ! ॥ ৬৭ ॥







—গোলাপ সাথে প'ড়বে খ'সে বসন্তেরি সব বাহার,
 মিশবে কোথা ঘোবনেরও পাগল-করা গন্ধ ভার,
 পাতার মাঝে চ'মকে ওঠে আজ পাখিয়ার উচ্চতান—
 কোন বিদেশের কণ্ঠী ওই কোথায় সে কাল গাইবে গান।—



সৌরভেতে ক'রবে আকুল,
থাকবে যা' মোর লসসার—
জাল পেতে দে থাকবে ব'সে,
হাওয়ায় বুনে গন্ধ তার ;
ভণ্ড বত-ভক্ত বিটেল
প'ড়বে ধরা চ'লতে পথ,
মদিরগন্ধ পাগল হাওয়ায়
উল্টোবে তার বিধান-রথ । ॥ ৬৮



খেয়াল-পূজায় পুতুল-খেলায়
কাটল কতই দিন যে মোর,
লোকের চোখে দোষের ভাগী—
র'টল খারাপ নামটা ঘোর ;
মূর্ত্ত খেয়াল-দেবতা গুলোই
খাতির ডোবায় স্রার মাঝ—
অনামটা মোর সস্তা বিকোয়
শুনলে মিঠে স্রের ভাঁজ ! ॥ ৬৯ ॥




সমস্যা-সমীক্ষা-



দিব্য দিয়ে ত্যাগ করিছ—
চক্ষুজলও প'ড়ল ঢের—
শপথ কালে সবটাই তবে
যায়নি কেটে নেশার জের !
তারপরে যেই ফাগুন এল
বাড়িয়ে গোলাপ-রঙীন হাত
কোথায় গেল ক্ষীণ অহুতাপ
গন্ধ-আকুল মলয় সাথ ! ॥ ৭০

খাতির খিলাৎ কাড়লে সে মোর—
খেয়াল মারফিক কার্য তার,
দ্রাক্ষাদেবীর নাই মহিমা —
কাফের মতই সব ব্যাভার !
প্রশ্ন তবু উঠছে মনে—
দ্রাক্ষাকলের চাষটা যার—
কোন মহার্ষ পণ্য লোভে
বিক্রয় এমন স্বধার ভার ॥ ৭১







—নিয়ত-দেবীর চৰ্কা-স্থতোর ধ'রতে পারি খেইটা আজ,—
 ভাগ্য সাধে বড় ক'রে তার ঢুকতে পারি দুয়ার নাকি :—
 নিষ্ঠুর পারে চূর্ণ করি বিশ্ব-স্বজন-কলনায়,
 নূতন স্থষ্টি গ'ড়তে প্রিয়া পার্ব নাকি ছই জনায়!—



গোলাপ সাথে প'ড়বে থ'সে
বসন্তেরি সব বাহার,
মিশ্বে কোথা যৌবনেরও
পাগল-করা গন্ধভার !
পাতার মাঝে চ'ম্কে ওঠে
আজ পাপিয়ার উচ্চতান—
কোন্ বিদেশের কণ্ঠটা ওই—
কোথায় সে কাল্ গাইবে গান । ১২ ।



নিয়ৎ-দেবীর চবুকা-স্বতোর
ধ'রতে-পারি খেইটা আজ
ভাগ্য সাথে খড়্ ক'রে তার
চুকতে পারি হুমার মাঝ,
নিষ্ঠুর পায়ে চূর্ণ ক'রি
বিশ্ব-স্বজন-কল্লনায়,
নূতন স্রষ্টি গ'ড়'তে, প্রিয়া,
পাবব নাকি-ছুই জনায় ! ১৩ ।




অমৃত-স্মৃতি-




দেখ্ছ প্রিয়া—পূব গগনের
পূর্ণ-কিরণ চাঁদটা আজ
দিচ্ছে উকি পাতার ফাঁকে
মোদের মিলন-কুঞ্জ মাঝে ;
তোমার কবি সেই যেদিনে
ভুলবে ধরার মিলন-স্থল,
কার খোঁজে ওর প'ড়বে হেথায়
অন্ত মলিন দৃষ্টি-টুক ! ॥ ৭৪ ॥

বিভোর প্রাণে আসবে যেদিন—
আকুল মিলন প্রতীক্ষায়
তৃণাসনে অতিথি-সভা
ছড়িয়ে যেথা তারার প্রায় ;
উজল পায়ে আসবে যখন
আমার যেথায় ছিল স্থান,
উপুড় ক'রে রেখো সেথায়
আমার শূন্য পাত্রধান ! ॥ ৭৫ ॥



তান্নান শোভা



—উজল পায়ে আসবে যখন আমার বেধায় জিল স্থান,
 উপুড় করে রেখো দেখা আমার শূন্য পাত্রান।—

